

古今圖書集成

方輿彙編

職方典

中華書局
已蜀書社

方輿彙編 職方典

古今圖書集成

中華書局 已卯書社

欽定古今圖書集成方輿彙編職方典

第三百四卷目錄

太原府部藝文一

晉祠銘

井州新修廟學記

恩鳳亭記

太原府學文廟記

烈士祠碑雨記

烈士廟記

晉祁大夫祠記

新建太原府治記

道晉紀行

舊孤口記

正祀典考

唐太宗

宋韓琦

文彥博

金趙風

明于謙

李濂

張松

葉砥

王世貞

楊嗣昌

閔照

職方典第三百四卷

太原府部藝文一

晉祠銘

唐太宗

夫興邦建國資懿親以作輔分珪錫社實茂德之攸
居非親無以隆基非德無以啓化是知功伴分陝突
葉之慶嗣彰道治留棠傳芳之述斯在惟神誕靈周
室降德鄴都疏派天潢分枝瓊極經仁緯義履順居
貞揭日月以爲躬麗高明之質括蒼溟而爲量體弘
潤之資德乃民宗望惟國範故能協隆鼎祚贊七百

之洪基光啓維城開一匡之霸業既而今古華遠陵
谷潛遷雖地盡三分而餘風未泯世移千祀而遺烈
猶存元化曠而無名神理幽而靡究故欲祠利禱若
存若亡濟世匡民如顯如晦臨汾川而降祉構仁知
以棲神金闕九層鄒蓬萊之已墮玉樓千仞駭見聞
之非奇落月低千桂遙流星起于珠樹若夫崇山互
峙作鎮參墟襟帶遶方標臨朔土懸崖百丈蔽日虧
紅絕嶺萬尋橫天聳翠霞無機而散錦峰非水而開
蓮石鏡流輝孤巖巖期松蘿曳影重巖路昏碧霧紫
烟鬱古今之色元霜綠雪較冬夏之光其施惠也則
和風時降是生油雲膏雨斯起其至仁也則竟裴鶴
蓋息焉飛禽走獸依焉其剛節也則治亂不改其形
寒暑莫移其操其大量也則育萬物而不倦資四方
而靡窮故以衆美攸歸明祇是宅豈如羅浮之島投
嶺南遷舞陽之山移基北轉夫以挺秀之質而無居
常之資故依靈岳以標奇託神威而爲固加以飛泉
涌砌激石分湍紫氣蒸而終清有英俊之貞操住方
圓以成像體聖賢之屈伸日注不窮類芳猷之無絕
年傾不溢同上德之誠盈陰潤懷冰春留冬鏡陽嚴
引溜冬結春苔非疏勒之可方昔瀑布之能擬至如
渴涇清渭咸同流若海黃何時時一變夫括地之
紀橫天之源不能澤其常莫能殊其操信乃茲泉之
表異帶仙宇而爲珍仰神居之肅清想徵音其如在
是以朱輪華轡接輅於壇衛玉幣豐榮連箱于廟闕
氤氳靈氣仰之而彌高昭昭神光望之而逾肅潛通
元化不爽于錙銖感應明徵有逾於影響惟賢是輔
非黍稷之爲馨惟德是依豈簞篋之爲惠昔有隋昏

季綱紀崩逾四海騰波三光散耀先皇製千齡之徵
號唐八百之先期用竭誠心以祈嘉福爰初鞠旅發
跡神廟舉風電以長驅籠天地而還掩一戎大定六
合爲家雖膺錄受圖彰於天命而克昌洪業實賴神
功故知茫茫萬頃必俟雲雨之澤萬萬五岳必延塵
壤之資雖九穗登年由乎播種千壽登日本賴崇基
然而不雲不雨則有炎枯之害非塵非壤則有傾覆
之憂雖立本於自然亦成功而假助豈大寶之獨運
不資靈福者乎故無言不酬無德不報所以巡往跡
賽洪恩臨汾水而濯心仰靈壇而肅志若夫熙寧十
二臨城三五幣帛雲委珍羞山積此乃庸部是享恐
非明神所歆正當竭麗水之金勒芳猷於不朽蓋荆
山之玉鑄美德于無窮召彼雨師弘茲惠澤命斯風
伯揚此清塵使地祇仰德於金門山靈受化于元闕
括九仙而警衛擁百神以前驅俾洪威振于六幽令
譽光於千載豈若高唐之廟空號朝雲陳倉之祠虛
傳夜叉式刊芳烈乃作銘云赫赫宗周明明哲輔誕
靈降德承文繼武啓慶留名剪桐頒土逸臨孤映清
殿自舉蒲屏惟寧邦家攸序傳輝竹帛降臨汾晉惟
德是輔惟賢是顯不測而威不言而信元化潛流洪
恩遐振沉沉清廟肅肅靈壇松低羽蓋雲掛仙冠露
筵宵碧霞帳晨丹戶花冬桂庭芳夏蘭代移神久地
古林殘泉湧湍紫瀉砌分庭非提可濁非澄自清地
料文直洞曲流平翻霞散錦倒日澄明冰開一鏡風
激千聲既瞻清瀨敬想忠貞濯茲塵穢堂此心靈猗
歟勝地偉哉靈異日月有窮英聲不匿天地可極神
威靡墜萬代千齡芬猷永嗣

井州新修廟學記

宋韓琦

三才各有主四時大運主於天萬物大生主於地人倫大化主於夫子夫子道何主曰主其中也然天地之主或不能常焉而吾夫子之主雖終天地而不變也凡爲人君爲人臣爲人子者能勉而及吾夫子之主則其國治焉其家保焉其身安焉雖天地之主有時而戾固無預乎吾家所及然則人之道孰先於吾夫子故有天下國家者不可不知其本乎先儒稱夫子者多矣獨杜牧之謂自古稱夫子之德莫如孟子稱夫子之尊莫如韓吏部蓋言堯舜莫賢其德而社稷其加其尊誠哉後之學者雖欲極言而尊大之又孰加焉惟郡縣守長德施其教者能與學以恢其德崇廟以稱其尊斯可以達其本者也太平興國四年太宗皇帝平僞劉一天下壞太原故城徙州榆次又三年復遷於唐明當時經始者兼用武之後弗慮及遠不知并據都會異日爲一道之本凡城隍官府門戶衛陌之制一從苟簡不中程度視夫子之廟尤爲不急置城之東南隅體陋而削僅有祠所景祐中康靖李公若谷者卽廟建學得賜田贍學徒而人始樂教處層初文烈明公錫又建禮堂於夫子之殿北而講始有容然皆因仍故基地愈偏隘其後生員浸廣至坊東西序所圖諸弟子室而處之二時釋奠三獻從祀官與學生執事者不能偏立於庭半立廟門之外皇祐五年春某忝被州寄受署來謂知於禮之遺而未遑改作始奏隰州司戶參軍牛景充教授以專學職明年秋大獲民安事簡於是馳使東魯得仙源廟圖像冠服之寶賈民廟北地命崇儀使并代州營

內兵馬鈐轄張僕古侍禁兵馬監押王守忠集工親役撤其舊而一新之然後廣殿航然而雄辟容儼然而尊顏氏以降諸弟子孟氏以降諸大儒或像而侍或圖而列次序於堂廡之間煥然大備復徙廟東州兵之居以置學南書樓北講堂東西舍舍廟學異門又設射墀於廟學之間以備男子之習至於起居飲食之事必嚴其所俾稱是爲自始事底訖功凡度材治基建塗茨丹雘之細一須官用無及民者夫廟學之新其於爲治之道竊有志遠其本者而諸生其達學之本乎飾公齋萃公書潔公食日授經月課文味其教者苟曰此欲吾藝之精取進士科富且貴而已噫如是則吾學乃教人竊祿之地非有望于諸生也夫精藝而求仕末也得仕而行道本也然不由其末則不得施其本故由末而仕其末不可用而本或不存焉非竊祿何故且晉之俗唐虞氏之俗也吾夫子之道二帝三王之道也豈習俗之易而習道之難哉蓋習俗易者其法傳習道難者其學廢今學興矣處吾學者其務外勤於藝而內志於道一旦由茲而仕也則思以其道爲陶唐氏之臣心陶唐乎其君心陶唐乎其民能如是吾始謂之達其本至和元年月日記

思鳳亭記

文彥博

楊屋川所居廨舍好治亭榭其榜額皆制美名大爲遠近所笑夫考室命名者衆矣或卽其地號而著或因其實而稱揭而書之斯用無愧苟異於是則徒豐其額美其名必爲有識者之撫掌天聖庚午歲九月七日彥博受命宰榆次越明年春正月四日始到

官邑之生齒受地而附籍者五萬二千戶喬居而未業者不與焉河東之邑斯最爲大噉言控訴庭無虛日敏政者蒞之猶懼弗及顧予非劣豈敢逸豫蓋夙夜而在公者迄三時矣未幾園圖歲聿云暮適丙戌告豐而邑中之園爭得以觀覽縣令表位之南舊有小園頽廢已甚乃榮垣葺草惟塗甃美無幾本而增華但踵故而加飾亦既成室必也命名可書者有三而思鳳是其一也詢于父老之口質以往圖之載皆曰荀浪嘗宰是邑治有善迹鳳集其境後人思之乃用名鄉今縣南有荀政鄉焉愚謂賢宰之迹未可遠泯因扁是亭曰思鳳所謂卽地號而著因事實而稱者斯得之矣自是居是亭者誠能修荀公之政致祥禽之集則後之人思之亦如今之思荀公者矣詩曰苟令吟琴地吁嗟鳳凰兮想同桑雉獲慶並棘鸛栖承乏今無敢思賢古若稽我來求舊址卽署改觀題不獨懷希驥聊將警剏難一闕循吏表芳躅愧榮賸明道五年二月四日記

太原府學文廟記

金趙風

自虞夏殷周設國學之法以養天下士取以備百執事之選故能卒相治功漢魏以降學校率興而名士輩出然則取士雖非一途而學校得人爲多故天下不可一日無學校也信矣太原自周秦隋唐以來控扼西北皆爲重鎮分虎符者例皆修陳隨飭戈矛以捍患禦侮爲事何暇議學校乎我皇朝應天順人蕩海平嶽牧燭窮隄威震荒遐六七十年間無大吠之警今之太原遂爲內地府舊有學權兵革之後蕩毀無餘至天會九年耶律公資議來帥是邦嘆館弗修

但取故官舍餘材以成之正隆初完顏宗憲爲尹稍加繕完大定丙午張公子衍爲亞尹楊公伯元爲清貳二公以殿宇卑隘立建賢堂於兩廡間制度蓋未廣也聖上嗣復大政宗儒尚文明昌二年以前中都路都轉運使張公大節出尹太原太原于公爲鄉郡故尤以宣布教條率屬風俗爲己任始至首謁先師見其棟宇卑陋階廡復稍嘆曰是足以上副皇朝右文之意乎乃量工命日撤故就新始自大殿重加整飾周以翠莖華而不侈考禮爲宜因中門兩翼構爲外舍各三楹分六齋又建大堂於建賢堂之南儼雅清潔望之生敬故講堂去殿不數步無階陞可以降升開闢迤邐不堪其陋今北遷二十步有奇隆基三尺餘高壯偉麗與大殿相輝映復構屋十楹左右爲齋十六稍南又各建六楹分八齋及外齋總三十楹講堂之後提學教授正錄之位序咸在焉講堂談經既有堂與齋矣儲藏書既有庫矣飲神有庖祭祀有器秀茂之士其志如歸公乃諸學召集諸生諄諄勸誘不啻如賢父兄之切至也是年登龍飛榜者學籍凡七人翰林應春王澤首冠多士先是公持橫海節亦時修飾學宮督學儒業學生徐遵是舉遂魁天下并滄皆古名鎮以學校之廢故入無登科者一旦興學二人繼成大名則知張公教養之勤豈非其效驗耶嗚呼農夫耕腴其獲也必豐商賈資厚其利也必倍不耕而無資其求也必無獲今夫巍冠博帶廣袂之衣傲然游其中者雖有瑰傑之才苟無學術以濟之其將何獲要之士貴業之勤而志之篤也方今貢舉之法既取詩賦以振天下英雄之氣又談

經義以傳先哲淵源之學使放蕩者退而有所拘牽疎者望而不致進其所以麗天下之俊造無所遺矣士生此時可謂厚幸諸公業精于勤他日登巍科行所學光明秀傑輝耀士林以取卿相者足以爲張公之榮矣不究其本根肆其懶惰望洋而嘆目崖而返進不能取科名以經世退不能抱仁義以勵俗皆張公之罪人也乃叙其梗槩以告來者使勉于學以副張公貢望之意

烈石祠禱雨記

明于謙

陰陽不測之謂神真實無妄之謂誠誠爲神之寔體神爲誠之妙用故有其誠則有其神無其誠則無其神斷斷乎其不可誣也然神之靈不一有因山川毓秀人心景慕而靈者名山大川能出雲雨以利天下者是已有生立名節歿享血食而靈者古之忠臣烈士載在祀典而能利國家庇民者是已要皆以誠感之而後有以致其靈不然則幽顯之間漠然而不相通矣宣德癸丑歲自春徂夏山西閭閻不雨衆咸以歲事爲憂欽差鎮守山西都督李公謙詢於部使者及藩臬諸公若郡邑吏涓吉備禮齋沐致禱于都城西北之烈石祠祠爲趙簡子臣實鳴犢血食之所屢著靈驗而爲郡人所宗其地山川環抱大樹蒼鬱朝雲暮靄恆出於檐楹棟宇間祠之右有靈池源發潞波混漾穹甲巨鱗出沒于天光雲影中隱顯恍惚若有神以憑之者嘗致禱之初靈風振衣微靄觸石而光景爲之漸伏神之聽之若響若答比旋車而雲陰四垂雷電交作甘霖誕降若六丁挽天瓢而下注之沛然莫之能禦於是焦者以沃仆者以起凡昔之

方輿彙編職方典第三百四卷太原府部

憔悴而嘔噁者舉欣欣然而有喜色矣是雖神之靈亦誠意之所感也諸公將立石以昭神貺會于奉命出撫河南山西而弭節太原遂屬筆于惟神之遇烈載在信史而無庸書惟聖朝深恤民隱故居官者咸以救災恤患爲念匪神之靈亦安能轉亢旱而爲豐穰也哉受神之賜旌于石以報之禮也乃著其感應而復爲之銘銘曰有翼者祠時于西北厥神之靈既顯而赫生著英烈死享廟食歲惟九早民憂菜色有嘉聞帥特用憫惻詢謀食同臬司方伯齊沐致虔罔不精白致禱於神神應靡忒如問而各如求而得元雲攜陰爰降甘澤以慰士女以涸稼穡病者以甦悉者以釋降福穰穰局其有極神不我違敢藉報德樹石廟門表表奕奕自今伊始神人咸適歲獲豐稂民遂生殖乘盛修潔以享以格永戴神庥萬古無教

烈士廟記

李康

余讀遷史至程嬰公孫杵臼之事及左氏所紀提彌明鉏麇之死靈輒之匹與韓獻子啓景公立孤之言未嘗不掩卷而悲引袂雪涕而泣下不已也嘉靖癸未秋余巡郡邑至忻之九原夫九原者晉卿大夫之葬城趙宣孟之田邑也世家謂趙孤復立得其田邑如故權曰國語並載趙文子與叔向觀乎九原蓋即此地云余駐馬遲回詢程嬰杵臼韓厥諸墓父老曰鉏麇受命于公而賊宣孟者也提彌明車右也靈輒翳桑之餓人也觸槐搏莢接踵死焉倒載報食不告亡焉皆感宣孟之義而奮不顧身不可不謂之難也宜合祀之於是親宣子於中而厥嬰杵曰彌明靈輒咸配食蓋合祀禮也先宣子主也次獻子貴也次嬰

杵功也次彌明應輒推及其烈也春秋饗之思也廟曰烈士悼也廟既余作迎送神二章教忻人于饗祀之日婆娑歌舞以樂神而并刻之石其辭曰絙瑤瑟兮拊鼓坐緩節兮應舞神之來兮前素旗粉玉佩兮光陸離風颯颯兮凄其若有言兮傷悲曰遭時兮匪昌匪諸良兮嘻襄聯軋兮徜徉澹忘歸兮樂故鄉祝九原兮晉疆相顧歎歎兮涕泗涇涇終歎兮徹俎停律兮降祥靈濟濟兮既飲森去我兮何所太行委蛇兮滄茫東流吁嗟此邦兮神之樂丘春芳非兮秋黍固不留兮容與陵谷變兮時代移遠有塚兮近有祠英風萬祀兮在茲况我氓兮永思

晉祁大夫祠記

張松

始張子既拜祁縣之命因喜曰夫祁非晉大夫奚之封土耶昔大夫內舉不避親子不敢作私好焉大夫外舉不避讎子不敢作私惡焉子于是乎得師子仰而觀法焉知所以知祁矣迨至則訪大夫之遺而瞻禮焉世遠蹟蕪漫不可識即有意於祠祀而力未能也既而議毀淫祠見西郭而東向有觀音堂者退而自計祀淫孽墮城匪儉典章將墜民是用牒迺下教曰其以故觀音堂改祀奚其以祁午羊古亦左右配或問孤曰大夫之讎也其去之或問大夫而讎孤也奚爲而舉也張子曰夫子于是而後知公私之道判也大夫告老舉子舉讎未之前聞也非大夫之公爾忘私以人事主誰能若是晉之所以昌乎充是舉也雖不見叔向而歸叔向亦不告免焉而朝解佩之感固深矣故舉其讎以爲相讎往拜謝孤引弓迎而射之曰吾不能以私怨壅子於君若奚拜且謝爲

也又舉剝削柳爲上黨守柳往謝之曰幸釋罪敢不再拜曰舉子公也怨子私也子往矣吾怨子矣以是知孤之不欲見其讎與柳也猶大夫之不欲見孤也晉厲之末文公之餘威替矣子周之立也少大夫舉善下皆效之當是時也私怨不入公門是故赫焉霸焉用天下之大履全盛之時而舉數如大夫蕩蕩平平之道常且復見是足爲相天下者之規獨縣令所宜觀法也哉是祠之立誠不可後遂用爲記

新建太原府治記

葉砥

自逾太行迤北抵雲中恆岳盤其東大河壑其西環地數千里介乎周秦燕趙之間者晉之故疆而今天子以封諸王所謂山西者也屬府州邑百餘計觀其山川之雄遠風氣之綿厚城郭之堅完原隰之沃衍有因高節夷固外宅中之勢蓋太原爲第一郡故國都所建藩省所治武衛風紀所司咸於是乎在宜不與他郡等朝廷往往擇所守率難其人洪武五年秋山西省以守臣關狀聞詔以朝列大夫同知平陽府事淮西胡公維進階中順大夫知是府始公之至以清謹端正爲治執吏民于大法剔蠹蒐弊離紛決壅處以笑談不數月政以和上官莫不嘉之公惟府治之廢也久矣托署他地偏屋卑卑不即爲圖苟新厥觀於我國制謂何乃議於衆衆曰宜遷營於省治之西百步許辨方正位而通衢背崇墉拓基聚材百工僭作始於是年之某月明年某月告成聽政有堂退思有室推轂有廳實屬有幕廡分六曹門設重扇與夫庫地倉庫典獄之所一如制式氣象聿新過者諱然若噴噴不舍去五月某日公移署新治而僚佐賓

屬及郡有司邦人士凡執事者交賀畢合樂以饗于庭公若曰噫來汝衆予承天子命收此邦三州十九縣之人人之利害休戚繫於予予敢不祗慎乃心以荷天寵以敷宣聖天子德化而與若等事予予哲自今凡我在位君子泊若等入斯門行斯庭以登斯堂者其尚洗厥心新厥德毋忘天民毋替天職毋苟天祿敬念哉一或從欲以敗厥德藉令脫咎殃于身獨不上畏於天而下辱斯地乎衆唯唯而退皆相勵自懷且願立石以著公績示未久爰屬記從事某竊惟皇帝既新厥命以禮樂教化陶夫民守令于民爲最親故新民之效責守令此宜公于創新治予之初諄諄然誠於衆其將去舊以即新新其德以新教化新教化以新民俗豈若務新耳目之觀聽氣體之居養者而然哉民俗既新其無負聖天子責任之重矣山西諸郡抑不有聞風而興起者歟吁今之爲牧伯得如公落落百數輩參錯天下皆用心若是何愧乎古良二千石乎故予不辭而爲之記若夫歷代之郡號官秩部屬疆理廢置沿革則有郡乘在尚俟來者攷諸

適晉紀行

王世貞

余以庚午六月起於家過大江北道齊魯歷計抵衛出修武發寧郭驛三十里抵清化鎮山西之治器集焉渡清河田禾益茂嘉樹蒼鬱居人引泉水爲長溝以灌有水碓水磨之屬午飯萬善驛四旁栽白楊蕭蕭悲風殊益人旅情乃知少府齋中之不易也自是始入太行亦不甚險惡昇夫魚貫而上久之以爲絕頂矣乃復有山障之愈上愈不窮至碗子城爲豫并

界兩山相對數十百丈巨壑陡絕無底中爲嶺道石梁如玉雪又復數嶺回顧中原情悅無盡不楚雲紛紛吐蒼翠日色與雲氣爭長俄而雲綵繞數十里中互其半在風驟發萬數怒號食頃雨亦隨至誦唐人三晉河山皆北向二陵風雨自東來語宛然若舊爲小憩民居久之以迫強發上下峻坂泥滑馬足墜落與人趾錯先後甚窘抵星駱驛初鼓盡矣是夕涼甚五鼓不成寐初九日黎明冒雨發道有古祠刻石崖表曰孔子過車處按趙毅贊鳴嶺孔子臨河而返此去河遠蓋傳會語也泥潭益甚未抵澤州飯太行驛道始平得一小軒抵樵村驛復小雨夜涼如前夕黎明復冒雨發晨飯高平午後飯長平驛即泰白起坑趙卒四十萬人處也問居人不能指其所第云傍村人鋪地尚得銅鐵如綠玉按自此而北爲長子以至晉陽皆趙地趙既築兩道秦何以得絕之趙卒四十萬人爲二萬五千騎中斷不能并力合而爲一又不能運五萬精騎擊秦絕兩道軍即糧絕當以死激士心決關隘可庶幾萬一因循至於飢相食十五五不能軍而始出罷士身搏戰不亦晚乎且秦王尚自至河內被男子十五以上絕兩道而趙王不能發晉陽耶耶未冠者與之角何秦之巧而趙之拙也前後四十五萬人命馮亭始之而威之者平原君馬服君子耳過長平爲丹懷復上下險阻可三十里而稍平復小兩抵長子縣趙襄子所不欲走地也即險常亦不如晉陽毋論繭絲也十一日五鼓發會潞安王守官用來謁少止午飯余尋驛復陟高嶺至數重四望皆山雲日映帶如萬玉雉疊峙高低作銀

海衝濤決排狀已黑雲從東南至大雨驟降道路幾絕曉曉輒輟與中下見數足踰躡旁皆絕壑乃知浮海汎長江車太行道以危身借快目不易也薄晚渡漳河宿視亭驛十二日凌晨發午飯沁州又四十里小憩鋪舍大雨忽復作轉入深谷中兩旁皆峭壁中通澗道雨益甚飛瀑爭懸崖而下聲如轟雷又似蒼虬吐鬚欲搏人車馬濕漉漉道水暴發昇夫股栗計別取高嶺備括一門十步九退時行絕壁間陽壁直上不可捫陰壑數十百丈大約如蜀中左擔山而高下陡急不可狀壁間飛流時時絕壑力爭而度久之抵一鋪且暝矣衆前白更十五里爲西塘河驟漲不易涉也顧視鋪室皆已傾無所不受雨而民居僅土穴數家不能容幸雨小霽乃決焚棄行李挾其人使在昇東燎而前凡數渡水始抵西塘河河流碎泮稍破若擊數千金鉦洶湧衝突目不可正視處導騎試之馬足雖險兢然不能踰履因買昇者勇亂流護呼擁而渡相慶且脫險矣行里許復遠遙攀高嶺其峻陜視前更倍雨復奇作束燎皆滅昇夫固衆然不能以左右輔與第號呼昇者使自力而已勉上輒前踏下輒後踏趾武盡粉度不可卻奮而行又里許道差寬而權店驛候火亦至稍稍定抵驛將二鼓矣呼酒自勞且以勞從者察其容皆有淚痕因自哂奈何以六尺徇一官也是夕雨不止十三日已刻稍晴會行李亦至乃發兩岸皆高山絕雲中爲巨澗沿澗水而北泉聲益奇崩峽東流爲瀑布爲簾爲怒虬爲渴虹者不一蓋自是山皆石骨矣第左道盡則度而右右道盡復度而左其險視西塘不啻類之凡

數十渡氣竭與亦盡矣未至南關驛薄暮宿來遠鎮民家二鼓始見月十四日五鼓復發雨已飯登陀驛山自是盡見平土矣申抵徐溝縣近城十里皆行沮洳間十五日四鼓發至城門署邑者始以月食告不及救遂行道沮洳益甚從騎多頓委泥中謹呼之聲相屬久之始畢渡大抵自萬善至盤陀七百餘里無非山者其中噴爲澗澗旁稍高爲道道稍有美地則爲市舍美地稍寬而稍阜險則爲城邑之所不畫披陀上下則爲田其最下所視中原不啻數百千丈矣徐溝八十里至太原太原四塞天險其南出澤州平定北出代州道皆行萬山中獨西南抵平陽山以大大關爲康莊耳太原城壯麗甚二十五牌脫輒作一樓神京所不知也莽蒼有氣槩若趙襄子余朱榮高歡李克用俱於此創霸國唐神堯李杜字劉高祖至用以基大業劉繼元最後平張孝純最後下卽周世宗宋藝祖之神武粘罕之雄強而不能遽得志者亦地利然耳然偏陞而將其口無所不綰轂非帝王都會也十六日履任

黃狐口記 楊嗣昌

北至蔚南至廣昌百四十里間古黃狐道也近蔚三十里各北口者卽黃狐道也口先有小署或書一聯曰停車聊問俗嗟若且看山真眼前佳景山則如兩翼分張皆北向而色紫黯如古鐵形豎削如指掌殘雪著膚薄者如傅粉滑者如凝脂玲瓏者如削玉徘徊久之業已不能舍去北入口間得沙石細路與雪平鋪而左右山忽卓地起如千夫拔劍矗立星攢昆吾甫切之鈺華陰新試之錫鼎鼎相注射燈目未竟

足折須旋斂鞋將投途窮更覓迴台萬變通塞無端
擬東窓穴壁掛西趨西或滴水攢午如珠曲蟻穿木
戶蟲僅始皆迷不得路既乃化身入無縫塔中而其
名有如獨秀則脫體一柱有如天門則嵌閣一鑑地
類甚廣難以悉書如此三十餘里絕無膚而有青松
產其骨際高不數尺恆賦怪形山桃花者三四月開
爛熳無隙夏結小實如彈丸他處亦未之聞也此時
無花則雪代爲媚一皺一皺描寫帶了無遺恨噫
造物者以何工鬼而爲此山於此地將爲中外之限
歟何待中國之福也以爲游觀之美歟或者經其地
未暇有其心以故古聞其險未有稱其奇者而稱其
奇而載之筆自吾始非欺抑有之而吾未聞歟姑記
以問夫守尉而多聞者

正祀考序

問禮

正祀考者何考諸晉乘名宦鄉賢從祀者正之也名
宦者何宦斯土有功烈職名者也鄉賢者何生斯土
有休懿可範者也夫宦有賢名賢稱鄉好亦既取而
祀之矣何爲而考正之也夫正者正其人之不正也
不正者正以其未考也考之慎斯正之嚴斯正之嚴斯
祀之當祀之當斯淑惠辨淑惠斯馨戒昭而人思
勸此聖王鼓舞萬世之機也刻之者何懼其久而消
且湮不正者或得以湮與也斯舉也遠邇太古而遠
我明貴自公孤賤及遺逸太上以備其次以言荷裨
名教咸庸可定否則報享無徵風世無紀吳嗣爲矧
澤以世存名兩實著體自情通者又紛紛于其間嗚
呼正其不可已也夫仙居景山李公來按茲土首謁
文廟通觀二祠穆然興感議下文所司校條裁定庶

不穀爰宣諭郡邑長咸具祀帖以告於是搜冥摘隱
數員拔特抑浮黜僞思爲典禮助茲用吉成職當序
諸首簡輿仰而嘆曰猗歟休哉祀典之制也聖王所
以曲盡人心感動人情者也是故曰法施於民曰以
死勤事曰以勞定國曰能禦大菑曰能捍大患五者
作則固至嚴且重矣非此不在祀典夫祀之言事匪
誕匪瀆事之道也誕則弗任瀆則弗飲况夫孔子之
祀也東漢永初始有闕里之舉厥後釋奠用八佾軒
懸之樂儀文漸甚則知二祠祀典闕而未講久矣洪
惟熙朝撫運凝圖創新洗陋正號定名儀典大備稽
於庶位簡黷從祀諸賢經法奕休百世莫易宗廟之
美當時且謂得門而人者或寡則今之祠而祀也可
無俟於正不考而議也哉故治國如示諸掌必在明
郊社禘嘗之義而忠臣嘉實得盡其心者亦自飲食
將幣帛之餘也在昔法施如善幾動事如舜定國如
禹禦捍如湯文武已等而上之後有作者雖必不可
企而齊令德庸功昭昭瞻記于禮皆在考正之通矣
論世推澤辨名度實比禮協情固有前人之章程在
或詭僻以蔽聰附自私非不穀所敢知也然則三皇
汨於醫師軒轅謬于算祖太公辱於武弁後世之所
異而憾者禮樂以俟君子其孰任之况夫八蜡之列
雖猶虎有功於人猶不忘報至尊既祭之末且及於
燁胞釋闔之徒苟祀典所與者焉敢以警議之耶是
故祀名宦以重功也弗沒其德祀鄉賢以貴德也弗
隱其功詳于古公論弗可違也略于今盛典未敢僭
也一得自限尚有探酌未詳而疎略之者幸賴高明
增損之耳噫嘻茲考也風化關焉由今觀後有能典

起焉者知風所自庶無負倦倦崇祀之美是景山公
嘉惠惠也不穀將焚觀厥成焉耳又何贊

欽定古今圖書集成方輿彙編方輿典

第三百五卷目錄

太原府部藝文二

從駕幸晉陽應詔

汾上警秋

經行嵐州

長城梁

鴈門胡人歌

塞上曲

太原早秋

送人之嵐州

過宋員外之問舊莊

使至塞

送都督赴代州

冀北春望

塞下曲

駕幸河東

寶賢堂

送邊將之鴈門

奉和聖製早登太行山言志

晚秋東遊寄氏第五明府解縣韓明府

太原送許侍御出幕歸東都

邊行書事

送林明府歸榆次

送裴相公上太原

夕次壽陽驛

隋薛道衡

唐蘇頌

杜審言

王翰

崔顥

常建

李白

前人

杜甫

王維

前人

崔湜

李頎

王昌齡

李頎

前人

苗發

耿湣

前人

李昌符

韋應物

王建

韓愈

渡桑乾河

雷題南趙古廟

送鮑中丞赴太原

過故關

行代因話江山

題荷嵐軍雲際寺

黃河

感興神堯起兵太原

代州書事

過鴈門關

石嶺關書所見

讀書山居六首

馬嶺

過鴈門見鴈

龍安

石馬寺

淤泥寺

晉溪

過盤陀鎮

石門煙雨

五臺山徧覽名跡

鴈門用韻

前題

登黃榆馬陵諸山四首

太原道中

娘子關偶成

晉陽貢院試士

賈島

前人

盧綸

宋韓琦

范仲淹

邵雍

歐陽修

朱熹

金趙秉文

元好問

前人

前人

前人

黃庭錫

元王構

前人

前人

小倉月僧

明于謙

李崇義

李源

前人

胡希顏

李學範

王世貞

前人

前人

龍泉關

登晉南城樓

九日登鎮樓小宴

登鴈嶺關口

代州謹樓

寄題王內泉曲莊

遊白仁崖二首

送同年張子畏使代二首

井門

職方典第三百五卷

太原府部藝文二

從駕幸晉陽應詔

省方遵往冊遊豫叶前經金吾朝戒道校尉晚巡營

重轡下飛騎絕浦渡連旌澗水寒逾咽松風遠更清

方觀翠華反簪筆上芸亭

汾上警秋

北風吹白雲萬里渡河汾心緒逢搖落秋聲不可聞

經行嵐州

北地春光晚邊城氣候寒往來花不發新舊事忘殘

水作琴中聽山疑畫裏看日驚牽遠役艱險促征鞍

長城梁

長安少年無遠圖一生惟羨執金吾麒麟殿前拜天

子走馬爲君西擊胡胡沙獵獵吹人面漢虜相逢不

相見遙聞鉦鼓動地來傳道單于夜猶戰此時願思

寧願身爲君一行推萬人壯士揮戈廻白日單于藏

血汗朱輪歸來飲馬長城宿長城道旁多白骨問之

者老何代人云是秦王坑趙卒黃昏塞北無人烟鬼

前人

前人

前人

前人

前人

王三弼

文徵明

梁有譽

宋裴湘

隋薛道衡

唐蘇頌

杜審言

哭歌歌聲沸天無罪見詠功不賞孤魂流落此城邊
當昔秦王按劍起諸侯賸行不改視富國強兵二十
年榮怨聲冤九千里秦王築城何大愚天實亡秦非
北胡一朝禍起蕭牆內渭水咸陽不復都

鴈門胡人歌

崔顥

高山代郡東接燕鴈門胡人家近邊解放胡虜逐塞
鳥能將代馬獵秋田山頭野火寒多燒露裏孤峰濕
作烟道遼西無鬪戰時時醉向酒家眠

塞上曲

常建

翩翩雲中使來問太原卒百戰苦不歸刀頭怨秋水
塞雲隨陣落寒日傍城沒城下有募妻哀哀哭枯骨

太原早秋

李白

歲落衆芳歇時當大火流霜威出塞早雲色渡河秋
夢遶邊城月心飛故國樓思歸若汾水無日不悠悠

送人之風州

前人

塞得乘秋下天兵出漢家將軍分虎竹戰士臥龍沙
邊月隨弓影胡霜拂劍花玉關殊未入少婦莫長嗟

還宋員外之問舊莊

杜甫

宋公舊池館零落首陽阿枉道祗從入吟詩許更過
淹留問父老寂寞向山河更識將軍樹悲風日暮多

使至塞

王維

單車欲問邊屬國過居延征蓬出漢塞歸鴈入胡天
大漠孤煙直長河落日圓蕭關逢候吏都護在燕然

送都督赴代州

前人

天官動將星漢地柳條青萬里鳴刁斗三軍出井陘
忘身辭鳳閣報國取龍庭豈學書生輩窗間著一經

冀北春望

崔湜

迴首覽燕趙春生兩河間曠然萬仞原際海不見山
雨歇青林潤樹空綠野閑問鄉何處所目送白雲還

塞下曲

李頎

黃雲鴈門郡日暮風沙裏千騎黑貂裘皆稱羽林子
金筋吹朔雪鐵馬嘶雲水帳下餘蒲萄平生寸心是

駕幸河東

王昌齡

晉水千盧合汾橋萬國從開唐天業盛入沛聖恩濃
下轡回三象題碑駐六龍唐明懸日月千載此時逢

寶賢堂

李頻

遊訪會經駐馬看寶鑾遺像在林樾泉分石洞千條
碧人在冰壺六月寒時雨欲來騰霧微風初動漾

波瀾箇中若蓄羊裘叟絕勝當年七里灘

送邊將之鴈門

前人

防秋戎馬恐來奔詔發將軍出鴈門遙領短兵登隴
首獨橫長劍向河源旌旗落日黃雲動鼓角陰風白

草翻若使干戈更深入應聞收捷到良谿

奉和聖製早登太行山中言志

苗發

金吾戒道清斜騎動天辟砥路方南紀重巖始北征
關樓前望遠河邑下觀平喜氣更與合祥風入旂輕

視幾三老至會禹百神迎月令農先急春蒐禮後行

仍親后土祭更理晉陽兵不以勞車轍空留八駟名

晚秋東遊寄氏第五明府解縣韓明府

耿渚

步出青門去疎鐘隔上林四郊多難日千里獨歸心
暮鳥聲偏苦秋雲色易陰亂墳松柏少野徑草芽深

霸溪哀安履汾南安賤琴何由聽白雪底益淚沾襟

太原送許侍御出幕歸東都

前人

昔隨劉越石今日獨歸時汾水風煙合并州花木遲
荒庭增別夢野雨行人期莫向山陽過鄰人夜笛悲

邊行書事

李昌符

朔夜煙塵起天軍又舉戈陰風向晚急殺氣入秋多
樹盡禽棲草冰堅路在河汾陽無繼者先虜肯先和

送林明府歸榆次

韋應物

無聲千里遠亦是宰王畿策馬雨中去逢人關外稀
邑傳榆石在路繞晉山微別意方蕭瑟新秋一葉飛

送裴相公上太原

王建

還攜堂印向并州將相兼權是武侯時難獨當天下
事功成却進手中籌再三陳乞蠲煙裏前後分張玉

案頭朱架早朝排立戟綠槐殘雨看張油遙知屬塞

從今好直到漁陽以北愁邊鋪恐巡旂盡撫山城欲

過館軍修千群白刃兵迎節十對紅粧妓打毬聖主

分明教暫去不須高起見京樓

夕次壽陽驛

韓愈

風光欲動別長安及到邊城特地寒不見園花象陌
柳馬頭惟有月初圓

渡桑乾河

賈島

客舍并州已十霜歸心日夜憶咸陽無端更渡桑乾
水却望并州是故鄉

留題南趙古廟

前人

僻處老樹鐵生斑神宇荒涼野壑閑地僻無人秋寂
寂一川紅影夕陽間

送鮑中丞赴太原

盧綸

分路引鳴騶喧喧似龍頭暫移西掖望全解北門憂
拜命臨都護分曹制督郵積冰管不下感雪風方休

白草連胡帳黃金擁茂樓今朝送旌旆一減舊傷羞
過故關 宋韓琦

春日井州路群芳夾放關前驛驛過別境荷戈還
古成道殘堞新耕入亂山時平民自適白首樂農間
行代因語江山 范仲淹

數年風上塞門行說著江山意暫清求取罷兵南北
去滿樓蒼翠足平生

題寄嵐軍雲際寺

邵雍

煙嵐一簇時崔嵬到此令人心自灰上有神仙無姓
氏洞門閑倚白雲開

黃河

歐陽修

河水激箭險誰言航甚遊堅冰馳馬渡伏浪捲沙流
樹落新摧岸瀾驚忽改洲擊龍時退鯉漲澄不分牛
萬里通槎漢千帆下清舟怨歌今罷築故道失難求
灘急風逾響川寒霧不收詎能窮禹跡空欲問張侯

感興神堯起兵太原

朱熹

晉陽唐祚王名紹舉封垂統已如此繼體宜昏風
應聚演天倫化晨司禍凶乾綱一以擎大樞復崇崇
淫毒稊宸極虐焰燔蒼穹向非秋張輩誰辦取日功
云何歐陽子乘筆迷至公唐經亂周紀凡例孰此容
侃侃范太史受說伊川翁春秋二三策萬古開羣蒙

代州書事

金趙秉文

金波曾醉馬門州端有人間六月秋萬古山河雄朔
部四時風月入南樓漢家戰伐雲千里唐李英雄土
一丘繫馬朱欄重回首煙波誰在釣魚舟

過馬門關

元好問

四海於今正一家生民何處不桑麻車關獨據千尋

嶺深夏猶飛六出花雲暗白楊連馬邑天低青塚渺
龍沙憑高弔古情無盡空對西風數去鴉

石城關書所見

前人

軋軋轉車轉石槽故關猶復戍弓刀連營突騎紅塵
暗微服行人細路高已化盡沙休自歎厭逢虎豹欲
安逃青雲王立三千丈元只東山意氣豪

讀書山居六首

前人

瘦竹藤斜挂藥花草亂生林高風有應苔滑水無聲
石澗雲先動橋平水漸過野陰添曉重山意向秋多
樹合秋聲滿村荒暮景閑虹收仍白雨雲動忽青山
川迴楓林散山深竹港幽疎煙沈去鳥落日送歸牛
溪落沙痕出堤摧岸口斜斷橋堆聚沫高閣樹浮桂
驚影兼秋靜蟬聲帶晚涼陂長留積水川闊盡斜陽

馬嶺

前人

仙人臺高鶴飛度錦繡堂傾去無路人言馬嶺差可
行此似黃榆猶坦步石門水落風颺塵僕夫衣單望
南州阜落東南三百里鬢毛衰颯兩年秋

過馬門見馬

黃庭筠

家在孤雲落照間行人已上馬門關憑君為報平安
信纔是雲中第一山

龍安

元王構

下馬龍安塞仙人五字詩白雲君去後翠嶺我來時
異代悅神過百年勞夢思山陰已陳迹俯仰重嗟咨

石馬寺

前人

碧水孤村靜高臺古寺陰僧談傳石馬客至聽山禽
杯動疎松影笳吹空谷音夕陽城市路回首臨叢林

淤泥寺

前人

野寺消煩暑長途促晚行落霞明遠岫返照下孤城
月傍前村出風從古渡生僕夫母乃倦於此亦關情

晉溪

小介月仲

削桐官殿古溪泉寶海聲高利濟全曉日僧鐘雲外
寺晚山漁笛浪頭船三秋白鴈蘆花雪二月金鸞楊
柳煙野老石橋墟背上人家村落錦屏前

過盤陀院

明于謙

羣峰行盡是盤陀小徑迂迴亂石多風約閒雲難作
雨果分流水不成河門開野店群雞唱花發春山百
鳥歌一段好懷無處著令人對景費吟哦

石門煙雨

李崇義

不見石門山長臥西陵病不作石門遊徒懷石門景
雙壁下層霄中央作門屏風和景明時萬里雲霄淨
一朝煙雨長更覺湖山勝煙橫十里洲雨泄三川溟
寒霏凝如絲漠漠羣峰映甘霖湧如注滂沱沛千頃
白鷺過平沙孤鴈沒雲嶺夷歌速歸期樵牧時相應
桃李亦蕭疎松楸更悽愴茫茫青草湖曉隔汀洲並
濛濛綠楊岸渙若瀟湘境兼葭半江秋離披暗疎影
雲物鏡中沉山川如畫景嗟予老風塵日與繁華屏
時聞山水遊似入羅浮夢何時挾樽酒再與朋曹等
長醉石門秋終朝臥煙艇

五臺山徧覽名跡

李謙

丹丘表西陸五峰標雲際廣袤數百里千秋開壯麗
佛土名清涼是借菩薩智紺殿倚雲根元池通地肺
玉雞號臺東扶光徹幽蔽仰瞻空鶴天俯瞻乘輿地
罡風御羊角蜉蝣怡人世余秦煙客流曉得觀山筇
瑤房幽可棲珠樹森以翳淮南懷八公日暮采蒼桂

磨鏡鏡鴻寶終古存瀨氣時繡綠字篇因訂名山契

鴈門用韻

前人

杳杳黃雲古城翻翻驛馬孤征積塞風鳴不下關河
雪鴈爭鳴何處寒管鼓角誰家暖關箭筈回首難消
旅恨斜陽無限邊情

鴈門用韻

胡希顏

鴈門古路人到稀碧樹蒼煙入翠微林深山險無行
處新輪蹄歸去遲晚天忽濤新晴雨日火炎蒸時
但暑登高款款步清涼極目龍沙大如許前年北上
過斯關今過斯關訝往還山川城郭猶如舊版屋居
人半已殘嗟哉此地多寒苦風土原來近彝魯人生
稟賦自強梁十五便能事弓弩聲鼓年來原有聲邊
民遙憶李長城東風柳外聞征騎海關天長無限情

登黃榆馬陵諸山四首

李攀龍

黃榆高不極臨眺亦奇哉河勢中原折山形上黨來
白雲橫斷塞峽倚天開搖落清秋色多慚作賦才
不盡寒雲外青峰落照多秋陰生大幽木葉下淖沱
巨壑藏風雨飛梁挂薛蘿重關三輔地躍馬意如何
振衣巖木下倚杖白雲層落日懸孤塞清秋度馬陵
千峰寒自出大澤莽相仍左廠襄邢郡分符憶股肱
秋色自冥冥風煙接井陘關門開落日山路出寒星
太守方乘障清時敢勒銘松杉迴朔氣哀壑未堪聽

太原道中

王世貞

盤陀十二驛驛驛似西川畢竟中無地還疑內有天
居民同伏鼠宿客傍栖鷄不待蟬聲苦秋霜向鬢邊
娘子關偶成
夫人城北走降氏娘子軍前高義旗今日關頭成獨

笑可無巾帽贈男兒

晉陽貢院試士

前人

萬古人文禹甸開千山樓祀建章材騰空雨挾龍門
上躡景風從馬邑來彩筆祇應推晉問黃金端不讓
燕臺共稱公子賢多客卓犖誰當五士才

龍泉關

前人

層巒不盡鎖風飈氣時干北斗文浩蕩天爲三晉
輔清涼水自五臺分關如趙壁常完月嶺似并刀欲
剪雲總爲山河能表裏關門何限羽林軍

登晉南城樓

前人

高城飛閣眺孱顏絕壁梯手自攀四塞西開秦道
路百盤中吐晉河山雲邊兩觀扶鵲尾天末諸峰出
鴈關能賦望鄉俱莫問清尊好趁羽書開

九日登鎮樓小宴

前人

晉陽風色更重陽開眺千巖萬木蒼白鴈不傳南國
信黃花偏作後時香爰顏倚帽難從落獨客傳黃轉
自傷莫使牛山笑客在一尊聊學少年狂

登馬嶺關口

前人

迴崖宛轉異晴昏片白浮空列戌尊一線地排爲北
界雙輪天棒作中原嶺端噫氣千崖折木杪蒼雲萬
古屯我欲著書從此逝毋煩令尹候關門

代州譙樓

周弘禱

天涯作客獨登樓長笛誰吹出塞愁勾注遠從外
落淖沱近向檣前流白狼漢壁人千古紫鴈秦城土
一杯正是逐臣堪酒淚涼風五月易成秋

寄題王內泉曲莊

文徵明

五原南下勢迴環汾晉風煙萃此間見說名園依綠

水還開別墅占青山春風把酒隨花發落日憑欄任

遊白仁崖二首

王三

步入崎嶇石徑高山風六月透征袍岩前久坐無人
到靜聽松風沸海濤

松下何勞問小童白雲深處有仙翁自從覓得長生
訣懶出桃花第一峰

送同年張子畏使代二首

梁有譽

使星遙指晉陽城曉度郊原鐵騎迎孤塞天低橫殺
氣騰山秋早動邊聲書生倚劍心從切諸將揮戈意
未平若遇北堂春宴罷還將籌策獻承明

征馬長嘶起朔風獨憐平子思無窮烟塵正值蕭條
候世事宜歸感慨中雲暗故關聽斷角日沉殘壘見
孤鴻懸知弔古經行處好問當年李牧功

井門

宋裴湘

鴈塞說井門郡枕西汾山形高下遠相吞古寺樓臺
依碧嶂煙景遙分晉廟鎖溪雲蕭鼓仍存牛羊斜
日自歸村惟有故城禾黍地前事銷魂

欽定古今圖書集成方輿彙編職方典

第三百六卷目錄

太原府部紀事
太原府部雜錄
太原府部外編

職方典第三百六卷

太原府部紀事

舊志周景王十一年有石言於晉魏榆卽今榆次縣
威烈王三年冬十一月有火下於晉北有聲如鼓
秦莊襄王二年蒙驁伐趙取榆次狼孟等二十七城
四年四月晉大雨雪
十七年代州地震

漢文帝二年崞縣荒賜民田租之半

十二年免租

景帝中六年六月匈奴入寇後二年秋晉大旱冬十
月日月皆赤十二月雷日色如紫五星逆行太微月
貫天街中

武帝元鼎元年得鼎汾水上

元鼎三年冬匈奴入寇

昭帝元始二年荒免租

靈帝建寧中有狼數十人晉陽南城門將人

光和六年秋五原山崖崩

中平元年荒免租

晉書武帝咸寧二年六月白龍一見於新興井中鳳
凰集於榆次境

咸寧三年新興雨雹

咸寧五年五月辛卯鴈門雨雹傷秋稼閏七月壬子
新興雨雹

太康元年五月鴈門雨雹十二月并冀二州大雪

太康六年鴈門雨雹新興山崩水湧出

惠帝元康五年九月鴈門新興太原榆次大風傷稼

永寧元年自夏及秋并州旱七月太原新興青蟲食
禾葉

懷帝永嘉四年五月大蝗并州草木牛馬毛鬣皆盡

愍帝建興五年秋七月冀州蠶蝗

魏書太祖本紀天興元年春正月車駕自中山行幸
將北還發卒萬人治直道自望都鐵關鑿板嶺至代
五百餘里

晉書元帝大興元年八月冀州蝗食草盡

末昌元年冀并二州大雨

成帝咸和三年石勒稱後趙改元太和時電起西河
介山大如鷄子平地三尺洽下丈餘行人禽獸死者
萬數歷太原樂平樹木摧折禾稼蕩然

穆帝永和三年并地前後進蒼麟十六白鹿七八月
冀方大雪人馬多凍死

安帝義熙七年二月代郡倒荆山白鹿見八月魏主
嗣獵於西山獲白兔白雉十二月復獲時晉末鴈門
郡吏賈相入勾注西陲見老人言四十年後聖人出
於北方時當大樂老人隨化為石人焉

南宋後廢帝元徽二年夏五月鴈門城有聲

北齊書武成帝河清二年太原雨血

河清三年晉陽詔言有鬼兵百姓競擊銅鐵以捍之

梁書武帝天監十一年夏代州地震

魏書高祖本紀延興二年詔以代郡事同豐沛代民
先配戍邊者皆免之

陳書陳文帝天嘉四年太原雨血四月并晉遼西五
州旱五月周師與突厥入并州大戰城西伏尸百餘
里并州地震

宣帝大建二年并州獻五足牛

大建四年并州有妖狐多殺人髮擁土爲城雉之狀

大建六年晉陽大旱得死魃長二尺面頂各二目帝
問之使刻木爲形以獻

大建八年有鸛巢并州嘉陽殿雉集晉陽宮御座獲
之又并州招遠樓下有赤蛇與黑蛇鬪數日赤蛇死

隋書文帝開皇十六年并州蝗

開皇二十年春二月丁丑平定州無雲而雷夏四月
天有聲如風雨相薄自南而西北

仁壽四年龍見代州總管府井中或變爲鐵馬甲士
彎弓上射

煬帝大業元年鴈門人房四安母年百歲額上生角
二寸鴈門百姓間大多去其主墓聚於野形變如狼
嗥墮行人數年乃止是歲大厩內馬死大半帝怒遣
使者按問主曰每夜腹中馬無故自驚因而致死帝
令巫者視之巫者知帝有遼東之役因希言曰先
帝使楊素史萬歲取之將鬼兵以伐遼也帝大悅
大業四年鴈門宋谷村有婦人生一肉卵大如斗埋
之後數日所埋處雲霧晝合從地雷聲而上視之洞

穴失卯所在

大業五年代郡饑

十三年劉武周據并州兵勢甚盛城上勒刃夜每有

火光時楊帝親巡北邊始畢可汗率騎數十萬謀襲

乘與義威公主遣使者告變車駕入鴈門齊王琳以

後軍保崞縣四十一城突厥盡克之惟鴈門崞不下

焉

唐高祖武德四年太原尼志覺死十日而姓

高宗永徽二年十一月戊寅忻州定襄地震

武后垂拱三年春冀州雞鵲變爲雄

久觀元年并水晉祠水赤如血

長安元年并州文水縣武氏井溢

元宗開元十二年五月太原獻異馬駒兩助各十六

肉尾無毛

開元二十二年榆關好蚋蟲害稼人并州界有羣雀

來食之一日而盡

開元二十三年四月冀州獻長人李家寵八尺五寸

開元二十六年榆關好蚋蟲害稼羣雀來食之

天寶五年九月文水縣野蠶成繭

肅宗乾元二年七月嵐州合河關黃河二十里清如

井水四日

唐書李孝節傳孝節曾孫高少孤事母孝始爲伎江

丞荊州長史張柬之曰帝宗千里駒吾得其人累擢

衛尉少卿居母喪柴瘠訖除家人未嘗見言笑與兄

昇弟暉相友開元初爲汝州刺史政嚴簡有治稱昆

弟由東都候之輒羸服往州人無知者其清慎舉如

此四遷至黃門侍郎檢校太原以北諸軍節度使太

原俗爲浮屠法者死不葬以尸棄郊伺鳥獸號其地

曰黃坑有狗數百頭習食腐爛爲人患史不敢禁高

至遣捕卒狗殺之中道禁條約其風遂革

馬燧傳燧至太原進軍司馬王權以兵五千走奉天

又遣子榮與諸將子壁中渭橋帝已幸梁力還時天

下方騷北邊數有警燧念晉陽王業所基是宜固險

以示敵乃引晉水架汾而屬之城蒲爲東陞省守陴

萬人又釀汾環城樹以固堤詔兼保軍軍節度使

憲宗元和七年正月振武河溢毀東受降城是歲甘

肅降於交城石壁山

文宗太和四年太原饑

六年甘露降於交城石壁山柏樹

武宗會昌二年春代州崞縣羊生二首相連兩尾

宣宗大中三年十月辛巳振武地震壞廬舍壓死者

數十人

十二年八月丁巳太原地震

懿宗咸通十三年四月太原晉陽民家有嬰兒兩頭

異頸四手聯足

僖宗乾符二年河北馬生人

中和元年九月太原諸山桃李杏華有實晉州地震有

聲如雷

光啓四年六月乙巳太原大風雨拔木千株損稼百

餘里

五代史東漢世家王師北征劉繼元閉城拒守太祖

命引汾水浸其城水自城門入而有積草自城中飄

出塞之是時王師頓兵甘草地中會歲暑雨軍士多

疾乃班師王師已去繼元決城下水注之臺駘澤水

已落而城多摧圯契丹使者韓知禧時在太原嘆曰

王師之引水浸城也知其一而不知其二若知先浸

而後測則并人無類矣

契丹附錄石敬瑭友唐遣張敬達等討之敬瑭遣使

求救于德光德光白其母曰吾嘗夢石郎召我而使

者果至豈非天耶母召胡巫問吉凶巫言吉乃許是

歲九月契丹出鴈門車騎連互數十里將至太原遣

人謂敬瑭曰吾爲爾今日破敵可乎敬瑭報曰皇帝

赴難要在成功不在速大兵遠來而唐軍甚盛願少

待之使者未至而兵已交敬瑭大敗敬瑭夜出北門

見德光約爲父子問曰大兵遠來戰速而勝者何也

德光曰吾謂唐兵能守鴈門而扼諸險要則事未可

知今兵長驅深入而無阻吾知大事必濟且吾兵多

難久宜以神速破之此其所以勝也

鐵圍山叢談開寶初車駕親征僞漢引汾水灌太原

城時盛夏暑氣蒸騰足亦不裹頭手提刀坐黃蓋

下督兵吏運土築隄以堰汾河城上望見矢石雨空

不避也水浸城者餘數版而已又命水軍乘舟焚其

譙門幾陷合班師獲免

後山談叢潘美爲并師代之北都山有天池焉歲遣

通判祭之其後憚遠而罷久之契丹遣祭焉又易其

屋記至熙寧中始有其地凡數歲往來不能辨而與

之

宋史宋太宗太平興國九年嵐州獻乾乾一角似鹿

無斑文角端有肉性馴

至道二年十一月代州風雹傷禾稼

眞宗咸平二年嵐州旱

咸平五年晉州慶唐觀古柏中別生槐長丈餘

六年河北蝗蝻生七月辛亥羣飛縣空趨河東及霜寒始斃

大中祥符二年三月代州地震

景祐四年十二月甲申忻代并三州地震廬舍屋壓吏民忻州死者萬九千七百四十二人傷者五千六百五十五人畜死者五萬餘代州死者七百五十九人并州死者一千八百九十人

寶元元年正月庚申并忻代三州地震十一月忻州地震

慶曆三年五月乙亥忻州地大震庚子又震西北有聲如雷

至和二年并州太宗神御殿火

范純仁傳純仁知太原其境土狹民衆惜地不葬純仁遺條屬收無主槨骨則男女異穴葬者二千餘又推之一路葬以萬數計

陳堯佐傳堯佐知河南府徙并州每汾水暴漲州民輒憂堯佐爲築堤植柳數萬本作柳溪民賴其利曹翰傳太平興國四年從征太原爲攻城南面都部署與崔彥進李漢瓊劉遇三節度分部攻城翰攻東北而劉遇攻西北與劉繼元直城尤險固遇欲與翰

易處翰言觀察使班次下當部東北遇堅欲易之數日不決上應諸將不協遣諭翰曰卿智勇無雙西北面非卿不能當也翰乃奉詔築土山瞰城中數日而就繼元甚恐軍中乏水城西十餘里谷中有娘子廟翰往禱之穿渠得水人馬以給

呂大忠傳大忠爲簽書定國軍判官熙寧中王安石

議遣使諸道立條邊封溝大忠與范育被命俱辭行

大忠陳五不可以爲懷撫外國恩信不洽必致生患罷不遣令與劉忱使契丹議代北地會通父喪起復

知代州契丹使蕭素素願至代設次據主席大忠與之爭乃移次於長城北樓西上閣門使知石州大忠

數與素素會凡議難以理折之素願稍屈已而使蕭素素求代北地神宗召執政與大忠忱議將從其

請大忠曰彼遣一使求即與地五百里若使魏王英

卿來求關南則何如神宗曰卿是何言也對曰陛下

既以臣言爲不然恐不可啓其漸忱曰大忠之言社稷大計願陛下熟思之執政知不可奪議卒不決罷

忱還三司大忠亦終喪制其後竟以分水嶺爲界焉韓琦傳琦拜武康軍節度使知并州承受廖浩然怙

中貴勢貪恣既逐前帥李昭亮所爲益不法琦奏還之帝命韓之本省契丹冒占天池廟地琦召其酋

豪示以墓日彼所求修廟無以對遂歸我斥地既又侵耕陽武峯地琦鑿壁立石以限之始潘美鎮河

東慮寇鈔令民悉內徙而定墓下不耕於是忻代軍化大山之北多廢壤琦以爲此皆良田今棄不耕道

足以資敵將皆爲所有矣遂詣距北界爲禁地其南則以募弓箭手居之墾田至九千六百頃

胡宿傳宿以翰林學士知審官院韓琦守并州請復其節鎮宿言參商爲仇讎之星國家受命於商丘而

參爲晉地今欲崇晉非國之利也宋與創平四方并最後服故太宗不使列於方鎮八十年矣宜如故便議遂止後琦秉政卒復之

哲宗紹聖元年六月己酉太原府地震十一月太原

府復震

徽宗建中靖國元年十二月辛亥太原地震彌旬不止壞城壁屋宇人畜多死忻州禾合穗

大觀二年十二月朔嵐州園地生瑞木金熙宗皇統六年五縣重門山五色雲見

世宗大定元年春正月平定州風雷大雨雪民大飢元世宗延祐元年冀寧地震壞官民廬舍

延祐三年冀寧地震四年復震順帝至元二年檢大飢

至元四年夏檢次大旱民乏食流移載道至正二年四月冀寧地震有聲如雷裂地尺餘民居

皆傾忻州定襄縣限霜殺禾三年四月忻州風霾臺晦大饑人相食

十一年忻州地大震十月太白晝見十八年二月交城諸縣忻州飢遣使賑之

二十一年忻州西北有赤氣蔽空如血適時方散二十六年秋七月忻州地震有壓死者徐溝縣地震

迸裂湧出黑水

至元二十八年大饑遣使賑之保德州地震明太祖洪武初年檢次夜多野火影中若有人物戲弄之狀

四年太原古城脩建晉府官殿木架已具一夕大風盡頽遂移建於府城

成祖永樂三年祁縣民王文義家馬生龍駒七年靜樂縣嚴霜殺禾殆盡

十年交城水泛漲圮城垣

十二年秋五縣城東民李復初地產嘉禾每莖二三

德知縣李本淨以獻

十三年徐漢縣金線二水泛漲入東門淹沒人畜死者甚衆

宣宗宣德七年四月十七日忻州民武燒家馬生一駒鹿耳牛尾玉面瑤蹄肉紋如麒麟骨中隆通撫于誠以獻

英宗正統六年山西大饑徐漢有黑背之妖民聞夜擊銅鑼器以捍之

代宗景泰二年七月十七日甘露降于榆次縣學文廟大成殿前楸樹上是歲大稔

英宗天順四年三月二十日甘露降于太原府學文廟大成殿前樹上有司以獻

憲宗成化二年代州十月大雪人相食

四年六月六日至十一日連大雨霖時縣大峪口山崩者數處水漲平川高數丈許其聲如雷林木崖石皆順水流而下頃水退有巨石橫居周圍五丈其廣二丈五寸或疑爲老松所化云

六年崞嵐公廨後地約半畝生嘉禾一本五穗者大半太原府本境雨雹大如鵝卵傷稼

八年五月初六日太原府境地震七月榆次太谷壽陽祁縣雨雹傷禾稼人相食七月六日地震有聲

十六年崞縣大風折田禾大饑民多相食文水亦饑

二十二年崞嵐州大饑人相食八月榆次五臺雨雹如鵝卵民飢食草根樹皮殆盡

二十六年寧河府每夜有妖見或爲神像或爲王侯需索酒食時舉火將焚宮室

二十八年十二月十八日夜妖焚府第無遺冠服器

用皆盡妖亦隨滅

孝宗弘治二年八月甘露降于保德州文廟前柏樹上味如蜜三日乃乾是年冬保德州黃河清七日

四年文水河水泛溢害稼及民廬舍

六年三月忻州大風盡斃十日榆次地震有聲民居搖動

十年秋霖雨積旬榆次孫家山南移二里許

十二年河曲天鼓鳴有星若火雨落於西南

十四年平定州大雨雹害稼保德州黃河清三日七月太原汾水漲約四丈許將濱河村落房屋及禾稼漂沒殆盡是歲大饑河曲有龍起于縣北

十五年七月榆次大雨水害稼及民廬舍保德州地震有聲

十八年榆次太谷自五月不雨至秋七月田苗盡枯米價騰貴

武宗正德元年六月太原開居寺口山移數十步土人見有物如羊一目一角雲霧數日方散

三年五月平定州雨雹六月崞嵐州太谷水壞城垣

四年平定州又雨雹十月崞嵐南川口天雨小魚數千尾食之殺人與縣獲白鹿以獻

五年四月五日榆次縣五色雲見祁縣流賊入城五縣有黑背之妖民擊銅鑼器捍之

六年流賊楊虎等引衆數百人入太谷縣境擄掠殺人七年忻州文水太谷交城壽陽所縣黑背時見

八年六月榆次旱忽風雷大作拔木百餘株代州八角諸境雨魚色皆黑小者寸許大者二三尺五月黑

昔見家擊銅鑼以防五晝夜

九年壽陽地震聲如雷日震三次

十一年河曲雨雹大如雞卵六月淫雨水出縣西南民居淹圯無遺

十二年靜樂縣木大漲二十餘里

十四年文水祁縣穀一莖四穗

十五年河曲自鳴於縣亭

十六年五縣曹村龍見風雷晝晦拔木毀民屋十餘間

世宗嘉靖元年八月太原陽曲榆次地震五縣夜有鳥雜喧至明魚龍飛鳥有去其首者

三年八月太谷山崩民居翻沒將廟先有聲如雷人畜避者死

四年太谷縣雨雹鵝卵大

六年平定州天雨土二日四月雨雹

七年春代州大疫秋南北山多虎豹噬樵採人多十月十二日流星隕光燭地有聲墜而復起入斗口至日出方滅

八年六月榆次壽陽祁縣蝗蝻食稼崞嵐衛治前樹樹上露白如酥甘如蜜人爭食之三日而止

十年崞嵐雨雹甚如礮輪大者房屋被毀牛羊斃樹無遺枝亦地千里

十二年景時縣北賊搶掠數日人民被戮不可勝紀交城文水徐溝太谷大饑野有餓殍五月祁縣空中有聲如雷落一石如拳

十四年文水縣麥秀二岐或三四岐甚至十八岐者壽陽縣大蝗食禾稼無餘

十五年榆次大給斗米二十錢
十六十七二年文水陽曲地俱震榆次冬桃李華太
谷地農屋瓦皆鳴將人搖動正月黑氣蔽空如夜六
月雨雹如斗大
十八年再震孟縣民程保生子三日能言
十九年忻州山中桃李冬花
二十年六月榆次淫雨涂水溢流四十餘里人多
墊溺詔免田租八月異犬生耳目各四足有八
二十一年保德州地大震有聲房屋傾覆是月榆次
有龍起於東城雉堞皆有烟痕
二十三年文水大疫
二十四年夏好蚘生榆次民劉廣厚妻一產三男秋
八月閉霜害稼詔免租
二十五年榆次城南門災火經夕不滅樓櫓皆空五
月雨雹如拳殺人畜甚衆六月有狼盛集于野嚼食
兒童數十餘九月民趙懷龍妻一產三男十一月木
冰十八日日本再冰皆凝綴如玉日晡未銷
二十七年文水縣歲大熟
二十八年嵐縣敵入殺掠甚慘
二十九年八月二十九日太原復有鬼火如列炬自
西南往東北長一二十里人皆見之忻州民間有雄
雞變爲牝雞保德州風霾蔽天晝晦如夜孟縣民間
有雄雞化爲雌

三十四年祁縣修善村民薛明妻李氏一產三女太
谷地震十二月忻州地震有聲
三十七年八月靜樂縣雪深殺苗
三十八年與縣每夜狐精見代州上曲村地城方丈
餘泉出如湧五雲烟雲見泉上
三十九年太原府所屬大饑
四十年五臺縣大饑
四十一年徐溝縣大豐米三斗價銀一錢
四十二年保德州敵踰河設防禦及軍
穆宗隆慶元年太谷縣十月木冰十日而解
二年六月與縣龍飛震死人靜樂樓煩屬門村畫
則星落入地掘出黑石重千斤
三年交城代州大雨雹大風拔木
五年冬徐溝池冰厚一尺許有虬掀水而起長五十
尺闊五尺兩旁擁冰高二尺祁縣疫傷甚衆
六年祁縣風霾晝昏如夜十三日夜復有聲至六月
不雨六月一日日食雨雹猛風拔木
神宗萬曆元年府文廟生西瓜蔓綿丈餘結殿十一
是科得儒者十一人人咸以爲先兆
二年壽陽縣西星隕如燬燭石盡碎其色元黑明星
變爰
三年六月靜樂冰雹異常圓如車數片如門扇水集
漂沒人物甚多
六年彗星見晉大風摧折振朔門連東第三城樓
八年文水縣地震有聲自北而南壽陽縣檜櫓無放
火發太原縣太谷忻州崞嵐州大疫省城察院災保
德州虎入孫家溝

九年平定州大疫
十一年六月靜樂霜殺禾八月桃李復花地震崩
十二年代州有年
十三年與縣徐溝交城等縣大饑
十四年陽曲至太谷平定徐溝等縣大旱斗米二錢
十五年保德州繁峙等處大旱交城空中有火墜地
大如斗七月崞嵐州隕霜民飢
十六年交城縣狼羣行道路食人六月狼復爲害是
月大雨水沒田傷人畜甚衆九月崞嵐州天鼓鳴三
日至四日隕星其聲如雷星爲石青黑長三尺餘
形如枕太谷縣雨雹大如雞卵
十七年太原縣地震晝數十次夜尤甚
十九年三月忻州有火自東南流墜西北
二十二年太谷縣正月看燈火城門內踏死八十餘
人
二十三年陽曲縣北門外大風拔樹百株
二十八年文水縣天鼓鳴五月大雨雹麥盡傷
二十九年崞縣北城樓兩獸口吐煙占者云主旱果
驗
三十年河曲縣天鼓鳴崞縣大饑
三十二年六月忻州雨雹繁峙縣暴雨漂沒人口房
屋殆盡
三十三年平定州獻赤睛白兔汾水徙文縣東民災
三十四年孟縣薄暮烈風迅雷暴雨水雹傷稼十二
月晉府宮殿焚寶物皆盡初六日地震
三十五年晉汾水漲千城東二十里形如環抱堪與
言主多發科是歲果中十人